

sawcuenh dinj

Heuh Nax Guh Meh

叫阿姨做妈妈

□ Ouhyangz Veivez/欧阳惠月

Dahmeiz dayoz bizyez seiz couh heuh Naxlanz guh meh, mbouj caiq heuh guh nax lo.

Naxlanz dwg mehnax Dahmeiz, yienznaeuz ngamq ndaej 45 bi, hoeng yawj hwnj bae cix lumj gaenq 50 lai bi nei, naj nyaeuq byoem hix miz di hau lo.

Naxlanz 20 bi seiz, dahcej deng ci daemj dai lo, seiz haenx dahlgw dahcej Dahmeiz ngamq ndaej bi lai. Daxmeh dai le, Dahmeiz ngoenz hwnz daej ra daxmeh, daxboh mbouj rox baenzlawz guh ndei. Naxlanz sim'in Dahmeiz, hix doengzcingz cejfou, couh dawz Dahmeiz ciep daengz ranz daiq daeuj, de camh dang daxmeh Dahmeiz. Gvaq bi ndeu le, cejfou caiq auh yah lo, Naxlanz laihnaeuz Dahmeiz mbat neix miz meh ciuqgoq lo, couh dawz Dahmeiz soengq bae ma ranz. Hoeng caengz daengz sam ndwen, cejfou youh dawz Dahmeiz daeuj hawj Naxlanz, cejfou naeuz mehyah de mizndang lo, mbouj fuengbienh ciuqgoq Dahmeiz, Dahmeiz lij dwg cingq Naxlanz bang ciuqgoq, caj mehyah de seng lwg gvaq le caiq daeuj ciep Dahmeiz baema. Yienghneix Dahmeiz youh caiq caeuj Naxlanz gwn youq lo.

Youq bi ndeu gvaqbae lo, Naxlanz dawz Dahmeiz soengq bae hawj daxboh de, Dahmeiz couh riengz daxboh caeuj mehlaeng caemh youq lo. Dahnseih, mehlaeng doiq Dahmeiz mbouj ndei, ciengz ndaq ciengz moeb Dahmeiz, daeglwg swheij gwn ndei

daenj ndei, Dahmeiz cix gwn gij lw daenj gij rwix. Hainduj, daxboh lij naeuz mehlaeng geij coenz, hoeng ciemhciemh couh caih mehlaeng ndaq moeb Dahmeiz lo. Naxlanz raen yienghneix, de mbouj siengj hawj Dahmeiz baenzneix ngaiz nyoegnyamx, cijndei youh ciep Dahmeiz daeuj caeuj swheij youq lo. Daj neix hwnj, Dahmeiz couh mbouj caiq



Dahsau Bouxuengh Gyaeundei Lai

Dahnaz ingj

baema ranz swheij gvaq, ranz Naxlanz couh dwg ranz de, Daxboh de hainduj lij daeuj yawj de geij baez, ciemhciemh couh mbouj caiq daeuj yawj de lo. Nanz le daxboh couh lumz miz Dahmeiz dahlgw neix, Dahmeiz hix mbouj caiq dwen daxboh gvaq lo.

Naxlanz gietdingh dawz Dahmeiz dang lwg ciengx, vih neix dang yahmoiz hwnj ranz cam yah seiz, de naeuz de auh daiq Dahmeiz haq gvaqbae, vihneix mbouj miz vunz nyienh auh de. Raen yienghneix, Naxlanz couh mbouj haq lo, de caeuj Dahmeiz doxing doxbaengh gvaq saedceij.

Vihliux dawz Dahmeiz ciengx hung, hawj de lumj lwgnyez ranz bouxwnq nei, gwn imq daenj raeuj ndaej doegsaw, de sinhoj dwgrengz, hoeng cix mbouj ienq saek coenz. De cungj dwg ngoenz nyaengq daengz laep, couhcinj seizhoengq hix mbouj raen de ndaej yietnaiq gvaq.

Naxlanz lumj daxmeh ityiengh, baenzlawz hoj hix auh soengq Dahmeiz doegsaw, Dahmeiz swnhleih doeg sat siujyoz caeuj cuhcungh. Cuhcungh bizyez seiz gauj ndaej si gauhcungh, hoeng bae daengz ndaw si doeg gauhcungh auh yungh hauilai cienz, ndaw ranz baenz hoj, bae lawz auh cienz ni, siengj daengz neix, Dahmeiz mbouj rox baenzlawz guh, de ngeix bae ngeix dauq, gietdingh mbouj doegsaw lo, de ngeix, danghnaeuz mbouj doeg gauhcungh lo, youq ranz guh hong, Naxlanz couh mbouj yungh baenz sinhoj lo. Yienghneix haemh ndeu gwn caeuz seiz, Dahmeiz couh doiq Naxlanz yaek gangj yaek mbouj naeuz: "Nax, gou.....gou mbouj siengj doegsaw lo, gou....." Dahmeiz caengz gangj sat, Naxlanz couh doiq Dahmeiz fatheiq lo, de dawz gouh dawh bongx roengz gwnz congz bae naeuz: "Mwngz naeuz gijmaz? Mbouj doegsaw? Gou baenzneix sinhoj dwg vih byawz ha, couh dwg vihliux hawj mwngz miz ceiqheiq, mwngz seizneix cix naeuz mbouj siengj doegsaw? Mwngz siengj gik dai gou ha?" Gangj le Naxlanz hwnq ndang haeuj ndaw rug bae, gaendwk couh dingqny sing daej Naxlanz daj ndaw rug cienz okdaeuj. Dahmeiz raen yienghneix lau lo, de coengzlaiz mbouj raen Naxlanz baenzneix hozndat gvaq, hix mbouj raen Naxlanz baenzneix siengsim gvaq, de mbouj rox baenzlawz guh ndei, de byaij haeuj ndaw rug bae, dinghdingh ndwn youq henz ndang Naxlanz buenx de lae raemxda.

(caengz sat)

Lwgminz gaemgienz le, dangj caeuj cwngfuj roengz gvaq hauilai rengz, bangcoengh vunzlai dieglauz gaijgez gij haemzhoj guh hong caeuj gwndaenj. Hoeng, aenvih doenghbaez deng buqvaih haenq lai, caiq gya hwnj gij diuzgienh mbwndeih gizneix yakrwix, seizneix gij dieg neix lij haemq hoj.

Gij dieglauz Guengjsae, dingzlai cungj dwg dieg minzcuz vunznoix comzyouq haenx, caemh dingzlai dwg dieg byarin. Gizneix vunz youq sanq lai, dieggeng noix, namh youh byom, miz mbangj dieg auh rap namh hwnj bya, doek ceh youq ngabrin, hwnjguh suiqli nazreih yaez, gig nanz ra deng raemx. Gij diegbya neix aenvih souh gij dieghingz gahswhdwz yingjyangj, bibi seizdoeng raemxlajdieg roengzgyangq, gij raemx gwnzdieg cix mbaet, vunz caeuj doihduz cungj nanz ndaej gwn raemx. Bi 1964, Doenglanz、Fungsanh、Bahmaj sam aen yienh neix, gyonj miz

vunz 38.64 fanh vunz, gij vunz neix miz 11 fanh lai vunz youq gij diegbyarin, gyoengqde auh yungh vunzguhong 20% doxhwnj bae rap raemx, baedauq ngeih sam cib goengleix. Mbangj ranz mbouj miz vunzguhong, cij ndaej ok ngaenz cingj vunz bang rap raemx. Gih Dunghsanh Yienh Bahmaj dwg aen dieggok gwzming bihaenx genhciz doucwngh haemq nanz ndeu, bi 1962 gvaq cieng, gij dieg wnq dwg faen noh faen nienzhuq, gizneix dwg faen raemx, ginzung boux 3 gaen, ganbu boux 5

gaen. Faenh raemx lai yungh dingz yienhseingq neix gig lai, vihneix mboujnoix vunz cix baenzbingh lo.

Ginggvaq lai bi hwnjguh, dieglauz gyaudoeng ndaej gaijndei di le, hoeng ciuqyiengh saek lai. Yienh Denzyangz suenq dwg giz dieglauz gyaudoeng lai ndei di ndeu, daengz bi 1964 sojmiz gij gunghse lij miz 35% lienz roenmaxdoz cungj mbouj miz. Gyaudoeng mbouj-bienh, doxgaiq yinh mbouj ndaej haeujbae, doxgaiq nungzfu caemh yinh mbouj ndaej okdaeuj, vunzlai bonjdieg

guh hong caeuj gwndaenj gig haemzhoj. Gih Gyanghnanz Yienh Duh'anh miz boux seyen, vihliux gai duzmou ndeu, goq le 12 boux vunz yungh cag diuq duzmou gvaq dat, yungh le 5 ngoenz cij yinh daengz gungsiuhse. Baksak、Denzdungh、Denzyangz、Bingzgoj seiq aen yienh neix, bi 1963 couh miz 3000 lai dun huqdoj yinh mbouj ndaej okdaeuj, gyu、hojyouz caeuj habfeiz daengj doxgaiq ngoenzyungh neix ciengz cawx mbouj ndaej.

(caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cinz Siengzcouh Liuz Gingliuj Cinz Siengzgen hoiz

vunz 38.64 fanh vunz, gij vunz neix miz 11 fanh lai vunz youq gij diegbyarin, gyoengqde auh yungh vunzguhong 20% doxhwnj bae rap raemx, baedauq ngeih sam cib goengleix. Mbangj ranz mbouj miz vunzguhong, cij ndaej ok ngaenz cingj vunz bang rap raemx. Gih Dunghsanh Yienh Bahmaj dwg aen dieggok gwzming bihaenx genhciz doucwngh haemq nanz ndeu, bi 1962 gvaq cieng, gij dieg wnq dwg faen noh faen nienzhuq, gizneix dwg faen raemx, ginzung boux 3 gaen, ganbu boux 5

gaen. Faenh raemx lai yungh dingz yienhseingq neix gig lai, vihneix mboujnoix vunz cix baenzbingh lo.

Ginggvaq lai bi hwnjguh, dieglauz gyaudoeng ndaej gaijndei di le, hoeng ciuqyiengh saek lai. Yienh Denzyangz suenq dwg giz dieglauz gyaudoeng lai ndei di ndeu, daengz bi 1964 sojmiz gij gunghse lij miz 35% lienz roenmaxdoz cungj mbouj miz. Gyaudoeng mbouj-bienh, doxgaiq yinh mbouj ndaej haeujbae, doxgaiq nungzfu caemh yinh mbouj ndaej okdaeuj, vunzlai bonjdieg

guh hong caeuj gwndaenj gig haemzhoj. Gih Gyanghnanz Yienh Duh'anh miz boux seyen, vihliux gai duzmou ndeu, goq le 12 boux vunz yungh cag diuq duzmou gvaq dat, yungh le 5 ngoenz cij yinh daengz gungsiuhse. Baksak、Denzdungh、Denzyangz、Bingzgoj seiq aen yienh neix, bi 1963 couh miz 3000 lai dun huqdoj yinh mbouj ndaej okdaeuj, gyu、hojyouz caeuj habfeiz daengj doxgaiq ngoenzyungh neix ciengz cawx mbouj ndaej.

(caengz sat)